

Christine Schmet



Christine ei naschida ils 17 da settember 1950 sco feglia da Cristian Schmet ed Ida naschida Wingling. Gia la naschientscha da Christine ha schau percorscher in decuors dalla veta cun bia dolur. In mal dils caluns ha accumpignau la veta da Christine. Aschia ha el buca saviu sedivertir sco auters affons cun ses quater fargliuns. Gia en giuvens onns ha ella stuiu far enconuschientscha cun spitals.

Il stuer far diever da crutschas per serender a scola ha sfurzau da habitar tier tat e tatta per aschia saver scursanir il viadi da scola.

Christine fuva dottada cun bia talents e d'interess universals. Sco giuvna carschida semetta ella danovamein el baun da scola e terminescha cun la matura. Silsuenter suonda aunc ina scolaziun el sectur dad elavurazion electronica, computer.

Ordvart grond plascher haveva Christine dallas flurs. Quellas han accumpignau ella atras sia veta fagend bia plaschers. Era ses concarstgauns ha ella adina puspei legrau cun flurs. Cuschinlar fuva in ulteriur plascher dad ella e tier ella regeva ina hospitaltad unica, plein carezia e legria.

Di e notg ha ella pitiu da ses mals, denton da sias levzas crodan strusch in plaid da lamentar. Cun la mort ils 7 d'avrel 1995 ella vegliadetgna da mo 44 onns ei tut mal savnius. Ella fossa da siu carezau bab Cristian ha ella anflau il ruaus perpeten.